



**Sud Bosne i Hercegovine
Sud Bosne i Hercegovine**

**Broj: S1 3 Iž 038222 20 Iž
Sarajevo, 28.10.2020. godine**

Sud Bosne i Hercegovine u Sarajevu, u Apelacionom upravnom vijeću sastavljenom od sudija Zvezdane Antonović, kao predsjednika vijeća, Srete Crnjaka i Vesne Trifunović, kao članova vijeća, odlučujući o žalbi Branke Mitrović, Prvog maja 2, 23261 Lukićevo-Zrenjanin, R Srbija, izjavljenoj na odluku Centralne izborne komisije Bosne i Hercegovine, broj: 05-1-07-1-998/20 od 01.10.2020. godine, o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 28.10.2020. godine, donio je:

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu, obijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine po podnesenim prijavama do 01.09.2020. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žaliteljicu odbijen je upis iz razloga što je adresa njene prijave, adresa sa koje je podnesena prijava za umrlu osobu.

Žaliteljica Branka Mitrović je, putem e-mail-a drugog lica, protiv navedene odluke blagovremno izjavila žalbu u kojoj moli da joj se omogući glasanje izvan Bosne i Hercegovine putem pošte sa adrese: Prvog maja 2, Lukićevo, 23261 Zrenjanin, R Srbija.

Centralna izborna komisija Bosne i Hercegovine u odgovoru na žalbu predlaže da se žalba odbaci kao nedopuštena, odnosno da se obje kao neosnovane.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz stanja spisa proizlazi da je Centralna izborna komisija BiH prije donošenja pobijane odluke, provjerom i uvidom u službene evidencije, utvrdila da je Centralnoj izvornoj komisiji BiH dostavljena prijava za umrlu osobu Nikolu Mitrovića za koju je evidentirana promjena o smrti dana 07.07.2017. godine. U navedenoj fiktivnoj prijavi u obrascu prijave za upis birača u CBS za glasanje izvan BiH – PRP 2, u rubrici „Adresa boravka van BiH na koju će biti upućen glasački materijal“ pod tačkom 1. kao primatelj pošiljke je naveden Čedomir Spasojević, a adresa privremenog boravka Prvog maja 2, 23261 Lukićevo-Zrenjanin, R Srbija.

Centralna izborna komisija BiH je prilikom razmatranja prijave Branke Mitrović, utvrdila da je u obrascu potvrde prijave za glasanje van BiH za podnositeljicu žalbe navedena ista adresa boravka i ista osoba za primanje glasačkog materijala kao i u fiktivnoj prijavi za umrlog Nikolu Mitrovića. Stoga je pravilno odbijena prijava žaliteljice u cilju spriječavanja zloupotrebe u izbornom procesu i činjenice da je adresa privremenog boravka, odnosno adresa na koju treba uputiti glasački materijal, ista i za osobu za koju je utvrđeno da je umrla.

Napomene radi, žaliteljici nije oduzeto biračko pravo za Lokalne izbore 2020. godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ovjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ br. 19/02 do 74/10) valjalo odbiti.

**PREDSJEDNIK VIJEĆA
S U D I J A**

Zvezdana Antonović